

方技

漢沈建丹陽人世爲長吏建獨好道學導引服氣之術又能治病輕重應手而愈嘗遠行寄僕婢並牧羊於人各與藥一丸皆不復食建還更與藥乃食如故

南唐吳廷紹爲太鑿令烈祖食飴喉中噎國鑿莫能治廷紹進楮實湯一服而愈馮延巳苦腦中痛廷紹密詰厨人知平日嗜山鷄鷓鴣投以甘豆湯亦愈羣鑿叩之曰噎因甘起故以楮實湯治之山鷄

上元縣志

卷二十四

方技

一

鷓鴣皆食烏頭半夏故以甘豆湯解其毒耳聞者大服

宋朱杰生而異相有隱德治人目如神針甫下而翳旋徹明嘉靖中其裔名鼎者召用多效錫賚甚重明嚴景字克企先姑蘓人祖道通以鑿徙金陵景幼好學通易尤精家學永樂中詔太鑿院送名鑿子弟讀書備用景在選中益探闡奧其師趙友同吳敏德嘗曰是子不羣他日必以鑿名後果名都下求療者無虛日子弟來從學者無問遠近景氣岸甚高動必以禮而勇於行義尤喜吟咏學士周公

叙結詩社於金陵景與焉倪文僖公亦稱其行誼
志節有古逸民之風

周文銓字汝衡蘓人也徙家金陵學儒不成去而學
鑿視世鑿所爲詫曰鑿道止此耶復棄去獨取內
經本草難經等書徹晝夜讀務窮精奧診病立方
多與衆殊及病者輒愈乃大服知此道深永重於
用藥遇有故輒不赴召及赴召或見病疑輒不
藥人不測所操負其才氣達官顯人非與抗禮卒
不赴嘗語顧東橋先生曰鑿者聖人之學也非盛
德莫能操其慮非明哲莫能通其說是故士有能

上元縣志

卷二十四

方技

二

知草木金石昆蟲之藥辨類審性析經致能弗乖
其宜弗亂其忌是謂知物知物者巧士有能知人
之疾病淫於四氣薄於五臟動於七情見外知內
按微知巨占始知終執生知死由是以審施湯液
醪醴鍼砭按摩之治是謂知證知證者工士有能
知臟腑之所表裏經絡之所離會榮衛之所弼勝
命脉之所消息選物設方制於未形體微發慮決
於衆感是謂知生知生者聖士有能知天地之情
陰陽之本變化之因死生之故立教布法使人專
氣含精以握樞機汰穢葆真以固根柢疾疢不足

神乃自生是謂知化知化者神夫神聖者上智之能事未易冀及工巧之道術學之所造也醫不臻此不足以名業其持論精微如此平生不以授人亦無能受之者

孟繼孔字春沂亞聖公裔宋南渡以醫世居吳門洪武初隸太醫院繼孔幼穎慧習舉子業遊焦澹園先生之門父垂歿命習世業道術日進聲滿都邑生平存活嬰稚未可數計每痘疹流行間從羣兒嬉逝中預決生死無不奇中性通脫不羈所得金錢悉推與貧乏隨手輒盡歿之日囊無餘物所著

上元縣志

卷二十四

方技

三

有幼幼集子三人皆能世其業仲子景沂以大方脉著孫介石經生名宿也兼精醫術著幼科直言遠近爭購奉爲準繩詳見何南礪方邵村序中王元標字赤霞上元人宋文安公堯臣後少業儒兼精素難諸書遂以醫名崇禎己卯大疫標携藥囊過貧乏家診視周給全活多人甲申之季大宗伯薦爲太醫丞標不應逃於赤山尋葛稚川舊居卜築焉著有紫虛脉訣啟微又著醫學正言未及就而卒子諸生輅及次子穉續成之穉字東臯尤精世業羣推重焉

吉兆來字蓬生爲瘍醫有神效誠朴無僞隨疾輕重
爲人治絕不計利尤善用針相其形色針到而患
隨除父秋宇有詩名兆來乞陳仲醇序其遺稿而
刊行之錢御冷相國李曉湘太僕皆重之三子皆
能世其術

司馬隆字季平先世陝之咸寧人父元亨家金陵儒
而能醫隆少勤學嘗從林龍谿受尚書後繼父業
遂擅醫名讀內經東垣諸書手不釋卷每至病者
家或羣醫俱集辦論紛然隆徐以一言定之人皆
悅服遇人危疾端居靜繹或通夕不寐必得其病

上元縣志

卷二十四

方技

四

之源治之法而後已有貧士病疫親族畏避隆診
視不輟嘗曰人皆有死豈獨疫疾能死人哉子泰
江寧籍中嘉靖癸未進士

蔣武字用文世居冶城之麓善詩文而工於醫永樂
初以儒醫薦官至太醫院判上嘗問卿於醫效率
緩何也對曰善治者必固其本急之恐傷其本是
以聖人戒欲速也仁宗嘗稱其家言足以裨益治
道卒謚恭靖長子主善繼其業

謝儒都廩生兼通醫每逢奇症他醫或不能辦儒必
識之識卽療之嘗爲徐文敏季子治腮瘍奇效文

衡山先生爲文以贈儒傳子曰昇昇傳世泰皆有
名

李尚元字仰春以治傷寒名家焦太史嘗贈以文畧
云自古論病惟傷寒最爲難療表裏虛實稍不審
輒不可救李君有三勝焉每用藥言某時當得睡
某時當得下時刻皆應一也予兒病誤服補劑幾
殆李君所用獨異羣咻之不爲動卒以奏功嘗曰
倉公言吾以脉法治而愈二也龐安常治傷寒有
名傳稱其樂義耐事如慈母而有恒君爲人似之
三也其爲名公推服如此子言曾孫鍾懋時遇皆

上元縣志

卷二十四

方技

五

世其業有聲

國朝謝與輝字賓暘邑庠生兼通醫術己卯司寇張公
韓城典試南闈患大疔毒輝療之立愈公贈以詩
卒年七十四有妙凝集行世子珊邑廩生孫燿江
寧增廣生曾孫稼思郡庠生俱傳其家學

施瑄字景昇考授州同知其先浙江上虞人祖邦曜
官都御史殉甲申難謚忠介因家金陵幼業儒讀
書暇輒旁通軒岐內經諸書探微抉奧遂得以醫
名世延者奉之如神相爭于路焉年七十餘卒子
鎧邑庠生淮國學生俱世其業

談志鳳字兆岐精幼科尤善針灸之法所存活嬰兒無算貧者不取值乙巳督學合河孫公爲其少子病危延之當塗署中一藥而愈扁其堂曰鍾山爽氣盖重其人因以係其地云

楊峻字孔徵邑庠生精幼科所活嬰兒無算市井歌云孔徵一人方藥絕倫扶危拯溺應效如神督關曹公寅太守衛公琪皆因治子病得痊親履其門以額顏之姪有道字達五子銳士字道五俱授心傳得行于世

論曰史遷傳扁倉之術神矣見顯知微洞表視暘

上元縣志

卷二十四

方技

六

人或疑其誕不足信以予觀沈建之藥丸當食幾於仙術吳廷紹之楮實甘豆湯因病制宜朱杰之治人目針動翳消蔣武之不求速效最有裨益嚴景之有名都下志節尤偉周文銓儒士也謂神化上智之能事未易跂及工巧術學之所造醫不臻此不足以名業技也進乎道矣孟繼孔遊焦澹園之門王元標宋文安公堯臣之後吉兆來爲瘍醫善用針灸秋宇有詩名司馬隆少從林龍谿習尚書子泰成進士謝氏以廩庠學醫相傳至賓陽不替李尚元以治傷寒名家早皆儒術通醫者也至

若施瑄之治內外如神談氏楊氏以幼科傳家則又彰彰在人耳目云

明魏之璜字考叔蒼顏修髯似深山老練士望之使人肅然起敬少孤貧匿影閉門日事筆墨人當時不肯干留都士官往來舟騎甚夥慕考叔者無不造其廬考叔一無所報謝惟招之飲則往清言獻酬坐無考叔不樂也年近八旬卒于秦淮水閣弟和叔亦工山水寫水仙尤妙

朱翰之以函名江南者六十年秣陵函先惟知魏考叔兄弟翰之出而秣陵之函一變士夫衲子無不

上元縣志

卷二十四

方技

七

宗晚乃削髮從芑菴自名七處和尚

朱知鄒字思遠翰之子也才思傑出頗有文譽晚乃棄去諸生工函力學爲詩與尊甫並有聲詩頗奇鑿

徐子仁九歲作大書初法朱晦翁後喜趙松雪筆力遒勁布構端飭成一家書至于篆字得法于異客相國李西涯太宰喬白巖時號篆聖見則下之曰吾輩不及

楊翮字文舉官博士工詩能書其卒也楊孟載悼之曰八分書古追東漢七字詩成到盛唐

陳大聲秋碧山水做沈啟南送史廷臣一小幀自題
絕句云情深此日難爲別相送元方又季方萬里
楚江孤棹過隱吟秋色到維揚

金元王好西梅花自題絕句云一別西湖未得歸孤
山風月近何爲春來賸有看花興又向君家寫折
枝

陳子野書法鍾王俊逸可愛尤精墨竹花草文徵仲
稱之戒門下士到南京不可西竹彼有人焉蓋指
子野云

姚秋澗多畜古玩而精于識鑒詩宗大歷書法趙黃
上元縣志 方技 卷二十四 八
寫梅稱逸品青岩路氏曰正嘉之間以文士稱豪
者徐髯仙顧寶幢姚秋澗三先生

顧夢游初學聖教序後自成一家屏幃多出其手
國朝王蒼字宓草號湖村與其兄槩繼父志不事舉子
業詩學香山善隸書工西於潛人家延爲師曾過
繡水葬其族親故舊不能葬者十餘喪鄉里持重
之

龔賢字半千號野遺崑山人布衣早年厭白門襍踏
移家廣陵已復厭之結廬于清涼山下葺半畝園
栽花種竹悠然自得足不履市井惟與方叟山湯

岩夫諸遺老過從甚歡筆墨之下賦詩自適詩又不肯苟作嘔心抉髓而後成惟恐一字落人蹊徑見櫟園讀函錄中

陳卓字中立性耽書史寄情翰墨花卉翎毛山水人物樓閣咸稱最善名與吳遠度樊會公鄒方魯蔡霖滄李又李武忠伯高畏生相埒櫟園品題爲金陵八大家制府郎公廷佐延爲上客復以所繪圖函進呈聲名益著子五人諫謨訓誥說俱以工函名世諫子瑚字宗器與謨子琪字東石亦有祖父風故金陵迄今稱以函世其家者必推陳氏焉

上元縣志

卷二十四

方技

九

顧惺字又新東橋之從孫也工書函入古人堂奧積書數千卷所著詩歌樂府手寫成帙晚號種昏田林字志山美鬚髯自號農工篆籀能詩常苦吟喜抄書迄無虛日所著有詩集若干卷未刊陳宗范字聖業邑庠生工山水識者珍之惜無存者今猶有首圖藏白鶴觀中

吳官心名九思以字行爲人古直善彈琴遊公卿士大夫之門語不合卽拂袖而歸家居清涼山下黃日炳邑人善花卉子德基字履上生而穎異幼從陳中立遊遂師事焉筆法靈動如生人爭購之後

抵京師補太學歸里以詩酒自娛雖耄年爽興不衰

黃璠字坤五號芝峯由太學補授隨征知縣工文藻子申瑾字世懷號荆田挾資遊海內凡遇山水佳勝輒繪成圖帙歸來篋笥常滿其名世者有川江萬里圖東海雲臺石刻圖寶華山圖筆墨蒼秀今縣志圖若干幅亦出其手

史秉直字望公先世溧陽人寄居金陵善筆墨子成亦工楷法初秉直卒成甫九齡卽能寫父小照懸壁間終日哭踊事之如生蓋其天性然也

上元縣志

卷二十四

方技

十

論曰焦澹園先生搜金陵名賢真跡摩勒成石者計五十三人顧文莊公論函品亦不下數十人夫書家函史若不足爲有無也者然古之高士常怡情寄意于其間故二公亦有取焉金陵素號文藪其有以字函名世者已散見于文學隱逸中矣其他亦不少槩見余故于搜覽餘舉邑之最著者若干人紀其行事俾其人亦得以自見云尔

吳趙達中州人時世亂知東南有王氣可免遂渡江治九宮一筭之術射禍福有神鮮大帝卽位令達策在位幾年達曰漢高帝十二年陛下將倍其歷

後卒如達言達嘗謂占星者當不出戶牖知天道碌碌宵露中庭以測望不已勞乎黃武中魏主丕大舉入犯軍臨廣陵朝廷惴恐達布筭曰國未可量也其在庚子乎魏莫予難也已皓亡歲果在庚子時吳範以治歷數知風氣聞劉惇以明天官達占數顯黃象工書嚴武善棋宋壽占夢曹不興善畫孤城鄭嫗能相人與達爲八絕

晉陳訓字道元少好秘學天文筭歷陰陽占候無不畢綜尤善風角時臨平湖開或言天下當太平青蓋入洛陽孫皓以問訓訓曰臣止能望氣不能達

上元縣志

卷二十四

方技

十一

湖之開塞退而告人曰青蓋入洛銜璧之兆後吳果亡王導多疾母氏憂以問訓訓曰公耳聾垂肩必壽且貴子孫當興於江東訓卒年八十餘戴洋字國流吳興人善風角好道術妙解占候卜數吳末爲臺吏知吳將亡託病不仕吳平還鄉里揚州刺史嘗問吉凶於洋答曰熒惑入南斗八月有暴雨九月當有客軍西南來如期果大水而石水作亂堂邑令孫混欲迎其家洋曰此地當敗豈可移家賊中乎混便止歲暮陳敏叛遣攻堂邑混隻身走免居建康王導病召洋問之洋曰君侯本命

在申金爲土使之主而於申上石頭立治火光照
天此爲火金相爍水火相煎故受害耳導移居東
府遂病遂差

扈謙精易卦嘗在建康筮一卦百錢日限錢五百以
三百供母二百飲酒并施貧之五百足一卦千錢
不爲也晉海西公旦出見赤蛇蟠御床俄爾失蛇
詔謙筮卦謙曰晉室有盤石之固陛下有出言之
象海西曰可消伏否曰後年有大將北征失利應
損三萬人此災可消後桓温北征敗績還石頭城
乃廢海西立簡文桓温妾產桓元時至艱謙筮曰

上元縣志

卷二十四

方技

十一

公第六間馬埽壞竟便產當是男兒聲氣雄烈震
動四海温贈錢三十萬夫人亦贈三十萬謙辭無
容錢處温不聽後仍筮卦養母温錢日以醉客不
問識與不識一日母亡謙辭酒家許氏云因緣盡
矣安葬而去不知所之數日許氏家人於落星路
邊見謙臥地始謂其醉捉手引牽惟空衣無尸云
謙居金陵攝山寺碑云北望荒村扈謙卜筮之宅
是也

宋王生金陵人瞽而善聽聲丁晉公謂守金陵王生
潛聽其馬蹄聲曰參政月中必召拜相果如其言

後眞宗晏駕謂充山陵使王生來京師俾聽馬蹄聲曰有西行之兆諸子責曰爾知相公充山陵山使有是說耳生出語人曰蹄西去而無回聲恐有他命後果罷相分司西京繼貶崖州

劉虛白金陵人善相陳執中爲撫州通判使者將劾之虛白曰無患公當作宰相使者果被召半道而去王益知韶州日幾大拜還金陵召虛白問狀虛白曰當得一都官止耳益大不懌以他事訟繫之已而益果終都官郎中

元蔡槐德興人僑居建康工相術莫知所師受與人

上元縣志

卷二十四

方技

十三

言率肆意指陳亡所諱避人信而畏之至元間世祖問朕壽幾何對曰壽及八旬時東宮未建嘗見便殿俾定儲君諸子皇孫中對曰某位他日必爲太平天子卽成宗也久之大臣有爲姦利者請問休咎槐拒不往他日見於朝辭色甚怒槐爲言曰相公能憂國愛民自可享耆頤之福然亦懼其讒間授集賢學士辭不拜乞歸田里從之復其家稅役隱居鍾山臺省以下恒歲時存問數年時相果敗元貞初復召不赴以疾終

明貝琳字宗器其先浙之定海人洪武初以戎籍居

金陵琳自幼業儒慕天官學學於何司歷盡得其秘被薦入欽天監正統景泰間從征占候有功成化戊子因災異上言君能修德格天則災變爲多祥若高宗雉鼎宣王旱魃遇災知懼皆致中興因條陳弭變圖治六事言多可采居家孝友有嘉瓜並蒂之異

王奇其先台州人爲諸生通天文卜筮星數之學後以事被褫乃以術遊四方成化中來金陵三原王公在兵部方爲權貴所忌屬奇筮之奇曰公歸矣越三載其起當銓衡乎已而果然吏部欲黜二御

上元縣志

卷二十四

方技

十四

史問其命奇曰命豈宜問哉公進退人材固有不
在命者不對而出刑部逸重囚主者屬奇筮之遇
恒之大過奇占日五爲囹圄賊入矣其焉逃之計
其獲日與時皆不爽陳指揮妻死將斂其女病問
命於奇奇曰女固亡恙母亦未死後當生二子卽
欲斂其必越午午時妻復生後果生二子王郎中
應奎問命奇曰是火氣太盛若官之南所至必有
火災後守台州旣上三月郡中災十室九燼王以
疾去其他奇中多類此

周相嘉靖中天文生歷官欽天監正加順天府丞相

洞曉歷筭占候之術嘗與唐荆川先生反復辯難其所著歷法皆得精髓又嘗言候占星宿不但知其分野度數而已其光色星星不同要須隔紙窺穿隙觀之一見其光便知爲某星百不失一方可言占候耳此昔人論星所未發孫元舉萬歷乙未進士爲知縣有才名

李槐善風鑑居金陵朱蘭嶠太史爲諸生時槐決其必中及會試入京遇槐復相之曰精采殊常鼻端已正決中元無疑脚指甲如有環功名有萬里之行榜發果驗後册封高麗如其言一日謂太史曰

上元縣志

卷二十四

方技

十五

尊人數已盡恐不能越冬至當備後事杜村公果以冬至前卒太史丁艱家居槐之子忽載槐柩至太史贈以金及酒米等物其子出父書則具載書中蓋已前知之矣

邢有都太史雉山公之猶子不屑舉子業好讀奇書一見郭忠恕佩觿遂熟記其序楚辭皆能背誦兼考音韻通切字法尤喜星歷筭數不由師傳獨契其鮮因自治漆毬爲渾天儀及布筭諸法質之精於星歷者皆毫髮無差偶登友人姚允吉樓望長干浮圖曰此影可射而入也遂閉牕戶塗塞諸竅

止留一隙斜對日光塔影果宛然入焉亦異人也
論曰聖人開物以成務明者述焉期於有用而已
如謂小道爲不足爲則醫卜之流於進退存亡間
可盡廢乎予所採趙達陳訓諸家取其有合於道
者而獨無務爲雄誕之說爲世教計非以供視聽
之資也

吳康僧會本西域康居國大丞相子棄俗歸緇赤烏
四年至建康時中國未有像教會誅茅設像人怪
之詔至問狀會曰如來化已千年然靈骨舍利神
應無方權以爲謬乃曰舍利得乎當爲若浮圖卽

上元縣志

卷二十四

方技

十六

不得吾不賞若會請假七日不得再請七日又不
得權趨烹之會默念曰佛名真慈夫豈違我哉更
請展期又七日聞空中鏗然有聲起視甑五色顯
發進於朝權與羣臣聚觀得未曾有會又言舍利
威神一切世間物無能壞者權使力士搥之砧碎
而光明目若乃即秦淮西南建建初寺居之江左
之有僧剝自會始

晉吉友梵名帛尸黎密西域師子國王子以國讓弟
爲沙門晉元帝永昌中至東土止於大市王丞相
導一見奇之常行頭陀行卒於梅岡詔於塚邊立

寺因號高座高座道人不作漢語或問此意曰以
省應對之煩

支遁本姓關氏陳留人幼有神理聰明秀徹晉哀帝
時召遁講法禁中一時名流咸所推許在建業將
涉三載乃註般若四禪諸經嘗與人論逍遙篇曰
桀跖以殘害爲性若適性爲得者彼亦逍遙矣因
爲之註廢帝太和二年辭關還山

竺法汰名釋也入都止瓦官寺晉簡文帝深器重之
講放光般若經開筵大會帝親臨幸王侯公卿莫
不畢集汰形解過人流名四遠開講之日黑白觀

上元縣志

卷二十四

方技

十七

聽士庶成羣及諮稟門徒以次駢集三吳負表至
以千數瓦官寺本是河內山玩墓王公爲陶處晉
興寧中沙門慧力啟乞爲寺止有堂塔而已及汰
居之更拓房宇修立衆業領軍王洽東亭王珣及
太傅謝安並欽注云

南北朝杯度者不知姓名常乘木杯渡水因而爲號
在建康時唯荷一蘆圖子更無物或擲於地數十
人不能舉嘗欲之瓜步累足杯中食頃達北岸其
他神異不可備述元嘉三年死葬覆舟山後人復
見渡如平時

求那跋摩中印度人宋嘉元中東遊渡江居金陵祇園寺文帝嘗問之曰朕常願持齋不殺生命對曰道在心不在事法由已不由人且帝王所修與凡庶不同四海爲家萬民爲子出一嘉言則士庶咸悅布一善政則神人以和刑不天命役不勞力則風雨時若百穀滋繁以此持齋齋亦大矣以此不殺利亦多矣安在輟半日之餐全一禽之命然後爲弘濟邪帝撫几稱善

寶誌禪師初金陵東陽民朱氏之婦上巳日聞兒啼鷹巢中舉以爲子七歲依鍾山僧儉出家專修禪

上元縣志

卷二十四

方技

十八

觀宋太始二年髮而徒跣著錦袍卓錫杖杖頭挂剪尺拂子及鏡或一兩疋帛與人言始難曉後皆驗時或賦詩言如讖記江東士庶皆共事之齊武帝謂其惑衆収禁建康獄詰旦遊行如故而獄中仍一誌乃迎入宮敬事之忽一日著三重布帽人皆怪之俄而武帝殂文惠太子及豫章王相繼薨逝梁武帝尤敬禮嘗對武帝食鱠武帝曰朕不知味二十餘年矣誌卽吐水中皆成活魚太子綱初生遣使問誌誌合掌曰皇子誕育幸甚然冤家亦生蓋與侯景同年月日生也嘗詔張僧繇寫誌像

僧繇下筆輒不自定誌以指驚面門分披出十二面觀音妙相殊麗或慈或威僧繇竟不能寫誌垂語曰終日拈香擇火不知身是道場天監十三年入滅葬鍾山之獨龍岡明洪武中建孝陵遷塔於靈谷寺或云鷄鳴寺塔下像乃師遺蜕也

雲光建康法雲寺僧凡講經天雨花如雲片

傅弘東陽郡烏傷人體權應道躡嗣維摩時或分身濟度爲任或金色表胸異香流掌或見身長丈餘臂過於膝脚長二尺指長六寸兩目重瞳色貌端峙梁武閱之延於鍾山定林寺天花甘露恒流於

上元縣志

卷二十四

方技

十九

地常以經目繁多人不能遍閱乃建大層龕一柱八面實以諸經運行不碍謂之輪藏

達摩尊者南天竺國香至王第三子以梁普通七年至南海廣州刺史蕭昂表聞武帝遣使齎詔迎請至金陵帝問曰朕卽位以來造寺寫經度僧不可勝紀有何功德答曰並無功德帝問何故答曰此但人天小果有漏之因如影隨形雖有非實帝問如何是真功德答曰淨智妙圓體自空寂如是功德不以世求帝乃問聖諦第一義答曰廓然無聖帝曰對朕者誰答曰不識帝不領悟祖知機不契

是月十九日折蘆渡江屆嵩山少林寺面壁九年
後授法於弟子慧可遂端逝後魏使宋雲自西城
回遇祖於葱嶺手携隻履翩翩獨遊雲間問何往
曰西天去雲歸貝奏啟龕唯隻履存焉

天台智者名智顛華容陳氏子謁慧思禪師爲說四
安樂行乃悟法華三昧見靈山一會儼然未散陳
宣帝大建七年抵建康瓦官寺僕射徐陵等並師
事之詔居光宅寺後憩廬山隋晉王廣請設僧會
於金陵授菩薩戒還寂於荊州石城是爲台宗

清涼文益禪師餘杭魯氏子得法於羅漢琛禪師南

上元縣志

卷二十四

方技

二十

唐主重其道迎住報恩禪院一日與李主同觀牡
丹主請作偈益賦有何須待零落然後始知空之
句主悟其意益緣被金陵叢林尊奉隨根悟入不
可勝紀周顯德五年閏七月五日跏趺而逝塔於
江寧縣丹陽謚大法眼

智筠河中府王氏子盛化棲賢南唐後主創淨德院
延請居之賜號達觀禪師闡法旣久乃曰吾不能
投身巖谷滅迹市廛而出入禁庭以重煩世主吾
之過也遂辭歸故山

木平和尚不知何許人南唐保大初徵至關下掛木

瓶杖頭能引瓶自蔽其形常出入禁中他日從登百尺樓後主問制度佳否對曰尤宜望火初不諭其意後數載淮甸大擾烽火相接後主常登望以古動靜後主素愛慶王問壽命幾何曰壽當七十是歲病終年十七蓋反語也爲建寺宮側居之名木瓶後訛爲本平云

蔣山法泉隨州時氏子幼年出家過目成誦號泉萬卷得心印於雲居舜禪師僧問南禪結廬爲何却在蔣山鮮泉曰衆流逢海盡曰如此則事同一家泉曰夢裡到家鄉晚奉詔住智海禪寺問衆曰赴

上元縣志

卷二十四

方技

二十一

智海留蔣山去就孰是衆無對泉乃索筆書曰非佛非心徒擬議得皮得髓慢商量臨行珍重諸禪侶門外千山正夕陽書畢坐逝

佛果勤禪師五祖演之嗣初住碧岩道林樞密鄧子常奏賜紫服師號詔住金陵蔣山法席之盛學者至無地以容勅補天寧萬壽上召見褒寵甚渥建炎初賜號圓悟禪師得法弟子大慧泉虎丘隆等皆宗匠杰出冠絕一時

明智瑛正統初住雲溪寺因號雲溪初行頭陀行爲諸僧負薪米力作已而有所悟生平不識文字後

乃能詩廬山有天眼寺得佛宗旨者惟瑛一人晚年忽語其徒曰某月日吾將逝逝必有風雷之驚屆期預報諸菴主使來集時天朗霽無纖雲至午有片雲起西北瑛乃沐浴具盛儀禮諸佛與諸菴主別已而疾風震電掣茆墮瓦族風自下轉入空際視瑛已遷化矣

永慈字海州蜀余氏子少時見僧輒喜投燭照月禪師剃染遍參諸方首謁太初和尚開示父母未生前有得還靈谷依雪峰和尚結制後至牛首領衆三載正統中守備太監袁誠欽其道德請住東山

上元縣志

卷二十四

方技

二十一

翼善先是慈叅東明和尚勘驗水乳明欲付以衣鉢慈不受至是明將示寂命其弟子曰吾有衣法二物待十年後送至金陵東山海州和尚受納屆期弟子持衣至山慈陞座祝香而受慈付嗣法門人智瑄字寶峰皆塔於東山禪院之後

定林白下人自幼不苟葷血不娶原名周安爲周生執巾履之役周生從諸大儒講說安時時竊聽拱身獨立不歇不倦以是知學周生病故乃事楊道南先生道南名儒終歲讀書破寺中安日受薰習益有得道南死安乃請於焦弱侯太史求出家太

史遂約李卓吾管東溟同送於雪松禪師扳剃改名定林之牛首創華嚴閣太史爲之記閣甫成舍去之楚訪卓吾於天中山坐化而逝塔於山中一心律師句曲人性淳朴慧悟遊金陵天界聞祖心拈法華火宅之喻有感遂求剃染遍叅海內祠部葛屺瞻延主鷄鳴山師乃構閣開堂丕揚法化凡天界長于諸勝莫不遁延主席遠近敘慕於是聲聞于朝神庙賜紫以彰其行年七十餘談笑而逝塔于鍾山之麓孫與樂雪墩皆能紹其宗教

古心律師溧水人幼從素菴於金陵棲霞寺得法悟

上元縣志

卷二十四

方技

二十二

後徃五臺山有金甲神夜報僧衆謂有法師至早迎之山下至中途果得師禮供上座萬歷間陳太后勅製衣鉢各萬二千五百數勅師說戒於五臺畢仍歸棲霞開戒時三懷法師修報恩寺塔頂不能上夢神云待波離尊者至次蚤師至三拜而舉頂上後圓寂於古林菴塔安德門外天龍寺守心關陝人住弘濟寺之法堂戒行精嚴緇素傾心道名甚著流聞掖廷兩宮皆有經幡之賜法堂後山壁峭削中開一洞深數尺許因構小屋日夜趺坐其中一日命移坐具出衆莫喻其故至夜三鼓

石壁忽隕其半小屋糜碎矣後示寂就法堂右茶
毘之時西風方壯青煙一縷逆風而西塔於寺
國朝掃葉者不知何許人苦志修行自建樓於清涼山
巔樓因名傳與杜茶村友善茶村贈以詩云塵中
方蹙蹙回首見幽涯山色張寒錦川光倚斷霞尋
僧逢掃葉遶樹當看花好記清涼路明朝來出家
僧智一字雪墩九歲祝髮性慧勇仁慈得法於普德
最伊年四十卓錫鷄鳴祖庭與羅繼峯杜些山諸
君友善繼主席普德寺講楞嚴維摩諸經闡微抉
奧得徒篤初苦行佐理遠近咸讚慕焉著法華科

上元縣志

卷二十四

方技

一二十四

拾集妙解通神晚退居上乘講院有鍾影堂詩鈔
年七十三示寂五代孫嵩亭能詩蓮溪善畫

僧然月字鄰雪苦話竹軒稿

僧普璠字魯王戒律精嚴徒界乘得其心印

以上釋

唐王遠知琅琊人父曇選嘗爲揚州刺史遠知母夢
靈鳳集身因而有娠遠知少聰慧博綜羣書後事
陶弘景受其道法隋煬帝鎮揚州時起王清元壇
命遠知主之遠知心不欲鬚髮斯須變白乃遣之
少頃又復故高祖龍潛常密陳符命武德中秦王
與房玄齡等微服謁遠知遠知曰此中有聖人因

謂秦王曰方作太平天子願自愛也卽位後欲加重爵固辭居茅山太平觀卒年百二十六歲
南唐許堅南唐人性嗜魚炙火上不去鱗腸盤白山觀前有放生池堅吐所食魚入水卽躍去每和衣入溪澗中人問其故曰天象森列吾裸裎可乎嘗過宜興冲寂觀題詩於壁詩謂逆旅道人一日呼道士共浴瀟湖堅忽凌波如履平地乃漸遠手招道士笑而去

譚紫霄泉州人有道士陳守元者斲地得木札數十貯銅盎中皆漢張道陵符篆朱墨若新紫霄盡能

上元縣志

卷二十四

方技

二十五

通之遂自言得道陵天心正法劾鬼神治疾病多效廬山僧闢路有大石當道堅不可去紫霄索杯水喫之令工施鑿應手如粉南唐後主召至建康賜官不受所獲醮祭之施轉給賔旅宋開寶初年百餘歲無疾而卒人謂尸解

郡圃老卒不知姓名宋張稚圭爲江東漕攝金陵府事鮮怒喜與方士游一日行郡圃見老卒項繫念珠稚圭曰汝誦經手卒曰數息爾稚圭異之呼至室內問其所得論養生吐納內丹皆造精微又曰運使平生殊錯用心酷虐用刑非所以爲子孫福

延方士皆非有道之士此曹特覬公惠耳稚圭曰能傳我乎卒曰正欲授公然須今夜半潛至某室當以傳公初亦難之不得已許焉既歸與內人議之咸曰不可公以嚴毅人素苦之夜中獨出事有不測奈何太夫人微聞之潛鎖其寢室竟不得出黎明視事衙校報守圍卒是夜四更跌坐而化

明周顛仙建昌人患顛疾嘗浪遊南昌撫州每謁新官必曰告太平明太祖平南昌歸建業顛亦隨至曰告太平日語如是太祖厭之一日命覆以巨釜圍以束薪火盡啟視儼然如故如是者三俱無恙

上元縣志

卷二十四

方技

二十六

乃放歸廬山後太祖病熱甚有異僧齎藥獻闕下詢之乃顛仙所使也服之即愈詳見御製周顛仙傳

張鐵冠者名中字景和臨川人少應進士舉不第遇異人授以皇極數談禍福多驗元末兵亂歸隱幕府山間至城市與人言避兵之方從之者多獲全壬寅陳友諒圍南昌高帝帥師下之叅政鄧愈薦中既召至上問之曰予定南昌兵不血刃市不易肆生民自此蘇息否中對曰天下自此大定但此地旦夕當流血廬舍焚燬必盡鐵柱觀亦僅存一

殿耳後指揮康泰反一如中言癸卯夏中言省署
當有震驚城中擾擾俄而忠勤樓災樓近省署內
外咸恐及友諒復圍南昌上忽得異夢命占之曰
當於咽喉中用力遇夜燒燈花蓓蕾可愛鐵冠適
在旁遽剪之左右喑曰嘉兆可惜鐵冠曰宜亟援
江西後三日報果至上遂親將兵徃復問中中曰
是行勿遲五十日當大勝戌亥之日獲其首領常
遇春等與友諒戰率舟深入敵圍之數重衆謂不
可出中曰勿憂當自出既而果出其他奇中徃徃
類此中爲人狷介寡言笑不事華飾常戴鐵冠人

上元縣志

卷二十四

方技

二十七

號張鐵冠云

冷謙字啟敬諳音律能盡嘗爲仙奕圖人共傳之明
初以黃冠入見高帝授之協律郎因事忤旨將誅
之召至便殿索小瞿先納一足已而漸沒其中呼
謙輒應及視之乃空瞿耳因令碎之左右執碎瞿
以呼片片皆應自是不復見後有人遇之武當
張三丰不知何許人丰姿魁偉美髯如戟入武當山
修行寒暑惟衣一納或處窮寂或遊市井浩浩自
如有問之者終日不荅一語或與論三教經書則
吐辭滾滾皆本道德忠孝每事輒先知之所啖斗

升俱盡或辟穀數月自若登山如飛隆冬臥雪中
齟齬如常太祖聞其名遣使求之不得永樂初累
致書敦請乃入見嘗奏對忤旨欲殺之忽不見上
遂病有使者遇之途附進簑衣草數莖煎湯服之
立愈由此遂絕李景隆事之甚敬臨去贈以簑笠
云他日有難可服此後其家遭幽閉年久絕食乃
思其言服之行過處地卽生穀一夕便熟賴此以
濟及宥出後服之而行地不復生穀矣

劉淵然贛州人幼爲道士遇趙原陽授以淨明忠孝
道法洪武中召至闕下試以道術靈應赫然建西

上元縣志

卷二十四

方技

二十八

山道院於朝天宮以居之嘗出入禁中與論道要
命乘傳遊名山永樂初召還禮遇甚至以忤權貴
爲所中謫置雲南洪熙改元徵還賜號長春真人
屢賜手札以尊師稱之後書御號元谷子宣德中
寵眷益隆沒於冶城跌坐而化真人志行高潔旁
通醫術又爲金丹起人之疾尤有奇驗

潘爛頭不知其名爲朝天宮道士能行掌心雷法曾
於東園上召神取紙神怒雷火燒其頭遂病創後
居驍騎倉營中每出遊羣兒以錢索雷則以手染
頭創書雷字兒掌中令握固行數武開手卽雲氣

蒸蒸起轟然雲聲人有疾病以頭創書符與之或懸於門或焚其灰而飲病輒愈後不知所終尹鬻頭名從龍華州人囊有宋理宗時度牒弘正年間來金陵寓邸中輒閉關臥多者逾月少亦五六日而後起每出從者如市能出陽神分身赴請一貴人女病瘵甚劇羣醫束手邀尹視之曰此非藥力所能治與我同寢一夕可愈也其父不可女病愈篤母涕泣懇請父乃從尹令糊密室無留纖隙令女去衾衣而以其足抵女下體卧戒女曰喉中有物出急語我尹鼻息如雷足熱如火天將明女

上元縣志

卷二十四

方技

二十九

報蟲從口出尹亟起覓不復見見窻有微罅曰惜哉害一人矣蓋其乳母開罅竊視而爲蟲所中也女病頓愈而乳母竟死戶曹李員外遣僕上疏請告一日尹語李曰適遇爾僕於京師端門前已得請矣後僕還核問果然館魏國居第晝寢而寤語魏國曰適遊洞庭返魏國愕不信出袖中兩橘昇之果洞庭產也王文成卒業南雍從尹遊甚歡尹曰子大聰明人而無仙分其以勲名顯乎文成愕然洛陽張姓者自言得道尹隨衆往謁張傲岸不爲禮顧罵曰乞兒辱吾教尹曰無然爾注悟真多

誤何謾罵爲張曰爾知悟真耶尹因爲抽廣成壺
正延歷度紀樞輿稍論序柱下五千文暨外內典
三教合一之旨衆皆悚聽張慚遁尹歸倚牆立自
掌其頰者數十以爲未忘勝心也因錠戶寢伏久
之有終南黃道人來值其睡熟留青鞋而去後數
日尹起問弟子曰有黃師來何言弟子獻所贈尹
曰是知我將遠行也無何當事懼其詭異遣卒押
歸華州過鐵鶴觀騎一鶴飛去

毛海泉居大勞山有郭次甫者入山中拜趙寶山爲
師寶山引見海泉遍身綠毛目光如電自言金陵

上元縣志

卷二十四

方技

三十

人元末入山山中人皆傳其爲真仙

闍希言不知何許人頂一髻不巾櫛豐輔重頷腰腹
十圍盛暑暴日中不汗窮冬則鑿冰而浴所至人
皆異之有奉之幘者則幘奉之衣者則衣予金錢
則亦寘袖中轉盼卽付之他人手不顧也出則童
子噪而從之人有以爲二百歲或云止可五六十
則亦隨答之問其所繇得及延年冲舉之術則不
應萬歷初年嘗過金陵土街口毛百戶家飯畢沐
浴趺坐而化蓋尸解云毛百戶名俊號華峯能行
闍之術先是有頭陀劉五百人嘉隆間來金陵居

城之西北數日不食面無飢色赤脚履水雪中無寒態劉誠意夫人病乳崑甚危頭陀取紙筆畫一石一水吹氣一口命縛額上越宿而乳潰嘗過俊家飯飯竟解腰間繩欲自縊毛懇止之乃笑曰爾不與我死數年後定有一道士死於此遂走大倉後縊死死之日人有見其浮江者亦尸解也及闔之化人益異之

賣藥道人不知所從來監前西倉巷有艾千戶者一子年十六七而唇上有贅瘤初如豆漸如拳觸之痛不可忍父子相抱終日啼泣一日艾老往南門

上元縣志

卷二十四

方技

三十一

歸至內橋途遇賣藥道人試以語之道人曰吾能治此若家何許旦當詣汝告之翌日道人果至診其子曰是不難第愈時當謝我二金耳艾老許諾遂出囊中藥以一青綫糝之繫於瘤之根次日又至又次日再至語艾老曰病即愈矣明日當具金謝我翌日瘤如故父子又相抱而啼疑其給已也午飯時子方握匕瘤砒然墜几上毫無所苦候道人竟不至

國朝錢靜嵩字子久性峭潔博通書史工詩少時爲杜

茶村先生高弟名重一時所著有龍門集

以上道

論曰二氏之學非聖人之學也然韓昌黎一生闢
佛而送浮屠文暢乃爲文敘其詩意人之墨名而
儒行者誠可進歟金陵自南朝來梵宇琳宮幾於
比屋其靈跡所著姑仍舊志存之廣聞見云爾